


Sirin & Gargamel, 6j.



suechet zäme äs nöiis Daheime mit Freigang

Liebi Tierfründe

Da höcklet mir u luege. Nach wem? Nach Dir! Mir sy d'Sirin u dr Gargamel u mir bruuche es nöiis Daheime, nur für üs zwöi zäme. Warum? Mir hei eis, abr dört isch no e Erschtchatr, den versueche mir siit fascht eme Johr usse z'mobbe. Mir hei's scho fascht gschafft, er chunnt choum no hei. Abr das duudet üse Doseöffner nüm. Er het iigseh, dass mir chei «angeri Göttr näbe üs duude» u suecht itze es eigens Chönigriich für üs. Drum!

Mir sy 6jährig, kaschtriert, gimpft, chippet, gsung (bis uf d'Blasestein vom Gargamel, di sy abr usse operiert, itze isch e Rueh, er bechunnt nur Urinaryfuettr zur Vorböigig), schtuberein, pflägeliicht u aahänglech, zwöi ganz zwöi liebi Büseli. Mir chönnt üs benäh u chratze u biise nie. Üse Hobbies sy Schmüsele u Schpiue, mir liebe Ungerhautig u sy sähr aktiv. Du gloubsch es nid, ou we mir scho sächsi sy. D'Sirin isch sähr dominant u d'Nöiigierigeri vo üs, typisch Meitschi haut. We ihre d'Lüüt gfaue, denn isch sy glii zur Schtäu u schmüsel u schpiut. Dr Gargamel isch da scho viu schüüchr, er bruucht Ziit zum Aachoh, abr wenn er aacho isch, denn isch er dr Schmuse-Wäutmeischtr.

Mir suechet unbedingt zäme liebi Lüüt mit viu Ziit u Luscht zum Schpiue, gärn e Familie mit grösseri Ching, so ab 12i, de Chliine troue mir nid so. Abr ohni Hung u ohni Chatz! U Freigang i verchehrsarmer Umgäbig sött's gäh, nach Iigwöhnigszit, das isch es Muess. U es Chatzetörli, denn chönntet mir usse u inne, wie mir es wönnt. Siit Dir e toue Familie odr fitti Pensionär odr sunscht viu dihei u heit Dir Ziit für üseri Schpiu- u Schtriicheleiheite? Wohnt Dir imme verchersame Wohnquartier odr sogar ländlech u heit Dir villiicht ou no en Garte? U es Törli? Das wär's, denn müesset mir üs unbedingt lehre chenne. Mir wohne im Moment no z'Rudolfstetten/AG, züggle aber gärn zu Dir, wo ou immer Du wohnsch. Mäud Di doch bitte ganz gly bi dr Sonja Ball. Sie het sich üs agno u suechet für üs das nöiie Daheime.

Dini Sirin & Gargamel



Katze sucht Mensch - Mensch sucht Katze

Sonja Ball

Tel.Nr. 079 333 45 62

kontakt@katze-sucht-mensch.ch